

IN NATIVITATE SANCTAE MARIAE.

Exoritur hodie virga radices Iessae,
 Virtutum florem mundi paritura parentem¹.
 Tres certe sother, Maria, baptista Iohannes
 Nature superant legem ratione parenti.

- 5 Quapropter horum solito caelebratur origo,
 Quod reliquis sanctis Romanus denegat usus.
 Et quia tale decus hodie processit ab alto,
 Sumite nunc laeti presentis pocula musti.

IN FESTO SANCTI MICHAEL.

- Quod Michael idicos merito celebratur in arvis,
 10 Insinuat Daniel apocalipsisque Iohannis.
 Utimur et stathmo terris taumasticos acto,
 Quod talem cultum sibimet sacraverit ipse.
 Nec minus est Gabrihel nobis recolendus, et ille
 Quem Iesus matri proprium statuit paranympum.
 15 Hos aliosque poli cives pie convenerantes
 Legibus humanis potus haurite salubres.

IN ASSUMPTIONE SANCTAE MARIAE.

- Traditur hoc festum reverentius esse dierum,
 Terrigenis sanctis totus quos dedicat annus.
 Xristotocos etenim hodie caelestia scandens
 20 Creditur angelicis vere prelata choreis.
 Et merito, quoniam regem generavit eorum,
 Pistis ut alma tenet verum hominemque deumque.
 Taliter instructi, laudes utriusque canentes
 Laetitiae nostrae clarum subdamus oenum.

IN NATALI INNOCENTUM.

- 25 Innocuos Christi testes nondumque loquentes,
 Quos furor Herodis Bethleis stravit in horis²,
 En potior Bethlehem toto veneratur in orbe.
 Hi domino terris nato nascuntur Olympe,
 Proque dei verbo subeunt mortem sine verbo,
 30 Huius et ignari vitae donantur eona.
 Vos horum memores Christo persolvite grates³.
 Inter et haec agathon solito potate Falernum.

2 'paritura paritura' Hs. 4 'parendi'? 9 'idicos] specialiter' Hs.
 11 'stathmo] auctoritate' Hs. 'taumasticos] mirabiliter' Hs. 22 'Pistis]
 fides' Hs. 24 'oenum] vinum' Hs. 'innocentium' Reifferscheid. 27 'En
 potior] melior quam ille' Hs. 'bethleem] sancta ecclesia' Hs. 28 'olympo]
 caelo' Hs. 29 'verbo] loquela' Hs. 31 'grates] laudes' Hs. 32 'aga-
 thon] bonum' Hs.

1) Sedul. C. P. II, 40 'suum paritura parentem'. 2) Sedul. C. P.
 II, 73 'Bethlaeis . . in oris'. 3) Verg. Aen. I, 600 'grates persolvere
 dignas'.